

漢

陂

集

續

集

淡坡續集

三鶴

獨鶴馴來久，雙雛客送將。
松陰鳴且和，風外舞成行。
對月疑玄圃，吹簫隔洞房。
暮年棲隱地，得爾共徜徉。

病起徐生過語次愛早三首

老態隨年至，窮愁逼歲內。
新霜猶未落，敗葉已空風。
已收殘暑雪，常挾斷虹明。
來時門外草，滾滾入山中。

閉戶連朝病，開堂見客難。
無家早意應，有酒時才老。
哭辭鄰里山，行拾草萊田。
不知幾歲能得，故人回。

野老江湖外，憂來思不禁。
浮雲常在望，終日不成吟。

路流移浦間。問涕淚深誰能開。願與早發健皇心。

閱張太微鑄白詩有感遂爲長歌

我年四十已鑄白。君今遲我餘十年。鑄邪否耶那得知。
新詩忽見鑄白篇。在昔鑄之我不悟。白根元與詩臆通。
搜奇挾怪苦成癖。欲白不白胡能然。君不見杜工部四
十白髮垂兩耳。忽爲從前作詩苦。又不見六一公游山
筆硯忘雷霆。年未半百蒼顏鬢髮稀。醉翁自古才士多。
早衰况乃讒謗叢。厥躬清才落落世罕比。對客揮毫詩
滿絳。行雲藹藹幾寒英。亭亭出秋水。灑灑可厭苦。
曾劉芳名不讓今。何李年來詩覺氣磅礴。揚文苑追

古作伯仲之間見斑馬六籍之味甘咀嚼嗚呼丈夫生
世有如此五十白首亦可喜一事無能老且堪笑城
西漢陵子

又戲作

鑷白當年事而今已編繆可能除却盡翻恨落偏多碧
鏡慵看影清樽醉放歌春風花萬樹一笑奈吾何

摘菜

夏旱憂方歇秋霖苦更繁來牟傳永結杭稻阻襄食野
熟牛羊瘦亭空鳥雀喧兒童展摘菜隨我到西園

晝寢南隣遺果

晝寢從吾懶，秋寒覺被親。
敲窗風動竹，入戶鵲窺人。
聞道常懸夢，殷懃不忍貧。
南隣梨柿熟，相送見情真。

雜麥

餅粟陶元亮，量珠石季倫。
清風五柳傳，遺恨洛陽塵。
自笑煙霞叟，歸接歲月頻。
弄孫今有樂，糴麥未爲貧。

雨晴園林小坐

三日衝泥怯，新晴躡屐來。
春葩旱未吐，秋雨逼重開。
屋角書痕濕，簷風鶴唳回。
茶瓜慙鼎食，小坐亦悠哉。

次瀛與張廣文詩韻因示

文章傳世久，富貴不名。
三冬勿新學，立

看京兆重詩可杜陵遲前哲風流遠千秋入夢思

九日無菊二首

往歲重陽至黃花放滿枝呼兒頻送酒挾客共題詩
久旱根株盡驚心歲序移興來成獨往含恨過東籬

不對黃花酒空添白髮愁南山如有待西園竟誰留
風雨梧桐夜門庭蟋蟀秋兒孫仍燕喜沉醉玉容羞

晴起

旭照浮虛牖清愁破老顏下床梳白髮開戶見青山
心已寒號足身如野鶴閒杖藜尋舊侶同過碧溪灣

醉後歌

子美長鑱白木柄，賞精無苗空歎息。恒饑稚子色憔悴，
時入深林拾橡栗。吟詩萬首遍風雅，奇寶千金賤楚璧。
金谷主人金塞厨，明眸皓齒爲歡娛。霞百里錦步障，
出海一天紅珊瑚。劍鋒展轉死孫秀，樓上須臾墜綠珠。
嗚呼！財多自古爲身累，貧士從旁笑爾穢。君不見北隣
白金不滿千兒掬，白刃爺時天南隣。莖老錢幾何，白首
猶能醉後歌。

蒼生

暉少秋多雨，衾寒曉覺晴。流離秦地淚，搖落楚人情。
刈稻初嘗飯，挑蔬得煮羹。吾生長易足，無術起蒼生。

深秋

老圃接連地深秋迥不同
短蕪寒更綠高林先紅風
夕聆簷馬晴天數塞鴻
自便踈懶性白首任飛蓬

雨霜

連朝秋歇雨一夕露爲霜
水國蕭條老山城歲月荒
無多黍稷篋有舊衣裳
空望伊人久迢迢天一方

酬郭侍御

山人秋向南窓坐柱史書從北郡來
已見風霜隨便歸却憐湖海有遠才
雲間幸嶽青蔥過日上梧岡彩鳳迴
無那蒼生憂歲旱好將赤趾達蓬萊

村遊二首和張廣文

村遊真有興野馳一開顏景落風前畫詩成馬上山荒
林紅葉亂流水白鷗閒鶉鴉青衿子相隨過綠灣
村醪留寒夜驄蹄踏曉晴遠峯如有約嘉客更多情霜
押蛇蟠緜晨炊鹿麋羹風流唐四傑教化魯諸生

八旬翁媪吟

八旬翁媪生兒遲愛之不衰丹鳳雛一朝長成毛羽齊
飛去爲巢棲別株啄母者梟與遊攫鳥者鵲爾爲徒
細如蟣虱侵我肌口如刀劒伐我經翁媪謂子奪室塵
饘粥不與共朝哺爾亦生雛愛更深翁媪心豈殊

不見樹頭反哺鳥鳴聲啞啞臨路循爾若罔聞天爾誅
雞邪雞邪爾若罔聞天爾誅

五君子詠荅劉士奇

陝州魏仲先

隱君曾住陝東郊人指茅堂擬鳳巢風月千篇留字面
煙霞萬丈遶山坳雪精不跨孤峯外海鶴猶棲老樹梢
却憶萊公無勇退佳期虛負布衣交

秦嶺韓文公

潮陽青恨征途遠秦嶺今看廟宇新青史長留佛骨表
蒼天終護孔明人海國豚魚隨變化衡山雲霧破嵯峨

此日逐臣多感慨千秋灑淚一霑巾

華陰楊伯起

關西夫子楊伯起萬古清風慕却金
高塚獨眠斜日外英魂猶遶華山陰
壯年歸隱微垣客少日翩翩翰墨林
俯仰不勝今古歎往來浩發短長吟

華陰李太白

騎驢寧避華陰令走馬曾於五鳳樓
采石狂遊醉欲死長安不見却生愁
名齊杜甫追風雅蓮落南箕起謗尤
過客悲吟蓮嶽下問來元是謫僊流

華山陳圖南

華山隱士美圖南高卧于今尚有龜花鳥多情誰作主
雲霞無恙夢猶酣玉峯臨路空勞整鐵索懸崖不可探
我欲東尋劉禹錫結茅同住碧巖巖

烏棲庭樹

深冬堂下雙槐樹夜夜愁烏棲浦枝影落月街還箇箇
飛衝霜曉故遲遲頻來莫信兒童打返哺惟應楚叟知
愛爾山林隨處好風光何必鳳凰池

送吳簿歸二首

白首思鄉客青春作伴歸芳名留野蔓穉子候柴扉登
眺新詩就逢迎昨夢非東風花底醉盃酒濕羅衣

一簿無多日言歸及早春猶存三徑菊未老百年身經
史兒能讀靈跡客共親北窓高卧處夢可到西秦

竹屏

種竹虛堂下當門翠作屏雲深塵隔斷月迥鳳疑停不
掩湘江恨難搖晉客醒歲寒如有約共守少微星

燕山行贈王中丞伯畿

燕山西來幾千里盤空萬朵青芙蓉陰晴變化不可測
時有雲氣隨飛龍鍾靈孕秀自古昔英雄今見南臯公
總角穎悟通尚書趨庭應對師阿翁秋風折桂廣寒殿
春日射策明光宮三年佐郡名獨高片言折獄誰與同

囊琴常依趙抃鶴路人爭避桓典驄手批逆鱗非矯激
身騎猛虎還從容帝心簡注尹京兆袞職補綴生華風
多袍復着辭冀北能軍夙駕徂山東吹噓海岱作霖雨
指點嶠嶧驅長虹狂飈容易生喬木故園暫許歸明農
謝安仍爲蒼生起寇準方資鎖鑰功八郡生成禾稻外
三邊經略笑談中濁涇清渭流來別終南太華勢何雄
天子預開麟閣待霄漢路與鳳池通斟酌元氣運斗杓
收拾人才入藥籠耿耿芳名照青史鬱鬱晚節含蒼松
燕山紫翠萬年在仰止南臯千仞崇

周守惠茶謝荅二首

老去難勝酒閒來獨倚樓使君題玉版仙茗自金州春
泛山泉色香分漢水頭枯腸從此潤短咏若爲酬
使君燕國秀早看曲江花郡出三千里春同幾萬家
予白髮叟分惠碧山茶四海蒼生渴休教雨露賒

花品六絕句

携酒尋前約開門杏花落芳香已越旬莫怪東風惡
群卉參差列東風次第開天桃如有待明日更啣盃
若看梨花好還于月底偏只願花開夜盈盈月在天
李秣旱枯盡白柰亦無花紅著蓓蕾華蕭條殘木瓜
最恨遠心賞天香失牡丹從今培植好準擬隔年看

連歲茶蘼少薔薇亦數莖漸覺清明近商量看紫荆

讀雲將軍傳

孟獨文章逼馬遷將軍事業世流傳蜀山漢水遺金甲
夜月春風哭杜鵑地下龍泉光射斗庭前王樹碧參天
封侯建節真談笑孝子忠臣出後先

周守寄穀雨茶及大扇謝荅二首

山中穀雨後采采碧瑤枝露葉香猶濕筠籠寄不遲一
瓢還自煮七椀是吾師却笑相如渴金華浪爾思
酷暑愁衰叟清風來故人漢江雲一片鄆杜月如輪力
借山童徙涼生草閣新此時仍啜茗瀟灑絕羣塵

种生過訪索李詩

巖石看吾老風流喜爾過雲山猶舊識盃酒一高歌李
白詩偏好吳剛斧重磨明秋丹桂樹垂影正婆娑

秋興

苦熱詩都廢逢秋興轉豪上樓山色滿擣練月華高雨
後收園果風前著布袍逐臣今白首勿用賦離騷

中秋不見月和荅湘厓蔣子

懶上元龍百尺樓清光不似去年秋南飛烏鵲渾無影
斜倚闌干恨轉幽縱有金盞誰共酌空聞玉漏換更籌
嫦娥只在雲深處閉却廣寒應自愁

次韻四首與湘厓子

美人家住湘江岸，鸞鏡蒼梧竹陰身。土宇曾乘彩鳳，
名流湖海北南金。青蠅止棘，多口皓月當空照此心。
二徑莫教歸藕，留西來，且對碧山吟。

芳名貫耳響春雷，萬首新詩自剪裁。老我逢君傾蓋好，
阿誰載酒問音回。交遊北闕雲霄翅，笑對南山紫翠開。
聞說玄關能鎖鑰，也應平地有蓬萊。

周游四海難爲友，秀拔三湘喜見君。開口平吞洞庭水，
吟詩高壓華山雲。圓中河洛聞新說，袖裏參同譜古文。
作用不倫丰采異，昂昂野鶴在鷄群。

湘汪碧海源流近，衡岳蒼空咫尺連。這一方元有數
地靈，千古合生僊。早開神鼎還丹火，雲區種玉田。
南雁年年常北翺，帛書頻望落風前。

畫六首爲湘厓子賦

山下晴雲芳樹合，門前春水小舟橫。主人未久賦歸去，
猿鶴依依莫浪驚。

老眼塵沙認畫圖，不知赤壁定西湖。千秋感慨應憐我，
兩地風流總是蘇。

老樹扶疎照夕曛，遠山蒼翠半秋雲。江亭一峽渾忘倦，
多是先秦科斗文。

遠空江上千峯雪靜夜燈前萬古心
閑戶不知舟返棹子猷乘興到山陰

綠藻風回動碧漪細魚芳沼兩相宜
長蛟占斷天池水不作甘霖漫爾爲

王質山中爛斧柯子陵江上老漁簑
會稽印綬礪磯載不博斜陽一曲歌

秋興之作湘厓見和復用韻三首

王猛非秦傑陳良識楚豪南溟曾次瀾
北斗姓名高秋水青龍劔春雲白鷺袍
時時吐佳句千古逼風騷

湘厓天下士不羨五陵豪獻璞心何懶
看山興獨高氣

吞雲夢澤詩奪錦官袍却笑揚雄拙當年誤及騷
王子煙霞老釜稱風月豪讀書嗟力退開眼見人高愛
客邀歌扇頻沾典繻袍醉來花底卧雙鬢在刀騷

和張廣文九月十五夜之作二首

乘興來登庾亮樓中秋雖過一般秋誰將短笛風前弄
破却長蛟海窟幽砧杵有情牽遠戍江湖無計入邊籌
幾回獨倚闌杆立不是尋常兒女愁

九月十五南山樓月色過於八月秋綠酒盈樽不一醉
青蓮獨坐何其幽門牆此日且鳴鐸帷幄他年看運籌
紅杏曲江有時發莫爲宋玉空生愁

送道士呂知白

澶潭棹遲地乾坤浩蕩間
花開歌送酒樓近
看山鶴髮生
談論龍渠熟
往還相逢知我癖
老圃學偷閒

湘厓便回二首

湘江青竹剡溪篴
并剪剪成秋月圓
爲語雲仍好牧護
清風一握自年年

王骨仙人遊紫氛
笑騎白鹿破南薰
袖中遺却崑崙石
化作湘厓一片雲

赤壁圖

坡老耽秋興
蘭漿破夜濤
蕭聲孤鶴近
月影萬山高
才

落當年賦人思異代豪畫圖鄉里後收拾紫崖勞

椒軒

椒軒誰爾命惆悵紫崖翁遙憶遶庭日猶觀老圃風栽
培資雨露蒼翠入簾櫳辛苦平生意無忘濟世功

湘厓子歌

世人不識湘厓子我今爲作湘厓歌湘厓南去五千里負
西來將柰何長安紅塵高十丈獨騎羸馬閒來往馮唐
白首尚爲郎揚朱失路空惆悵郭杜赤子苦無母割鷄
暫借屠龍手雨露纔經三月餘甘棠可卜百年後漢陂
山人老閒寂一笑相看如舊識幾回訪我春雨亭有時

坐子秋月夕酒後耳熱歌且舞恍然置我湘江側短竹
倚脩弄碧風疑是湘靈夜鼓瑟我問湘厓子勞勞良亦
苦惟我識爾王在石世人相以虎爲鼠湘厓只在白雲
隈三徑蕭條長綠苔主人不返猿鶴猜何日拂衣歸去
來

太微子過訪留詩因次韻以贈

山下孤村水竹居城西樽酒淺波魚青春不負客參寥
綵筆今看杜甫書花柳半開風乍煖煙霞留住日無餘
明宵又作懷人夢咫尺長安萬里如

用前韻送熊子修

莫向天涯歎謫居。且來花下食雙魚。終南山好頻携酒。
光範門高不上書。入眼白雲千里外。蟠留黃卷五車餘。
廟堂肯借調元手。四海蒼生總晏如。

用胡世甫詩韻因寄

世遠身早退。老嘅學無傳。憶昔胡夫子。同爲王署仙。夢
龍今在位。沮溺合畊田。何日重携手。臨風一灑然。

和太微子春雨亭論文之作

巖石歸棲幾歲華。煙霞萬畝爲吾賒。郢中白雪歌誰和。
門外青山直更斜。求友喜逢張仲子。論文合讓大方家。
暮年結社盟先定。滄海飛槎路不差。

看花寄湘厓子二首

我有一樽桑落酒君能八句嶺南歌
不來未見厓前坐
萬樹花開奈爾何

穠李夭桃未足看
杖藜無意逐花間
那能夜月湘厓子
共醉春風白牡丹

長垣邢御史母壽詩二首

八旬以上百以近
五桂之中李子賢
駉馬驟風驚海內
彩鷁映日下雲邊
慈顏常爲平反喜
遠夢頻于問寢懸
五閤曉來開綺宴
紫簫吹散碧桃烟

剡門春早承歡地
劍閣風清步屺時
甲第雲連雙鳳閣

蟠桃雨熟萬年枝笑騎王母青鸞背共醉麻姑碧玉卮
蘭蕙繞堦香細細蓬萊化日影遲遲

岫嶠書屋爲祝給事中賦

羨陂埜叟病看草閣眠客訪者誰岫嶠仙蓬頭赤脚不
敢見翩然遺我岫嶠萬頃之雲煙老眼摩挲認形似似
與芙蓉天柱相勾連中有茅堂架翠微堆床萬卷先秦
篇僊人已遊紫霄上夜夢猶遶蒼峯顛袖中携得一片
石化爲霖雨坐令四海歌有年君不見傳幾下築屋幾
椽嘉靖之勳摩挲天岫嶠之名要與相後先嗚呼勿使
岫嶠之名不與相後先

謝王正之

我病三旬久君來十日過留心投藥物應手起沉痾盧
扁流風遠門庭陰德多蒼天寧爾負雛滿鳳凰窠

雨夜有作

暑病逢秋減園亭卧晚涼棋聲清到枕雨氣濕侵床
五壑淵明老乾坤子美狂看雲明日事十畝水西庄

生辰宴後歌

我生六十有四歲大兒設宴春雨亭一曲雙調頗瀟灑
四座諸客流芳馨今年甲午六十七烏兔飛騰暮景逼
小兒愛父學阿兄行慶堂中張錦席介壽笑開桑落酒

長生願比南山什兒輩能此我心悅爾之子孫更何說
前簷水不後簷流後車轉合前車轍嗚呼兒輩慎勿懈
人生二孝萬事徹

送白貞夫八首

君家毘陵郡我家終南山相去四千里那能識面顏君
今持使節乘輅入秦關取道羨陂涯訪我林壑間徘徊
執我手慷慨發浩歎苦言阻隔遙神交時往還嗟我穉
漂姿誤爲杞梓看感激靡所贈贈君明月環

南方產琥珀草芥滿西土琥珀世所珍草芥人莫顧一
朝持琥珀拾芥芥與附借問胡爲然氣類有感遇君子

黃岡心形迹靡所處

萋萋庭下草白露何溥溥
秋回病體蘇君自西涼還
口石黃河流腹貯空同山
解携炫雙眸五色呈琅玕
神工靡雕琢至寶非塵流
行宇宙千秋長不刊

君携陽羨茶來烹溪陂水
二物各一域氣味似且美
然乘風回翔翔青雲哀迢
迢鳳凰城道阻不可跂嗟
傷我心緒戀那能已

能詩唐杜甫奉使漢張騫
使節空同過詩名北斗懸
自慙黃髮更虛名碧瞳仙
不遠三千里來尋紫閣前

驛路三秋過星槎萬里回
河山秦地勝題品樂天不
放

國還經洛和羹早用梅堇人靡好爵離恨若爲裁

老夫病起臨幽徑嘉賓重來訪敝廬大保中丞曾面識
世勳國史亦親書喜看三蔡郎君貴爭逐雙旌使者車
此日文章誰與並他年竹帛定何如

君家季父尚書幕我亦承明謫省郎五夜共趨朝北闕
幾回投飲坐西堂未能展足空騁驥問說遺雛有鳳凰
盛世好音應可待早瞻旭日上梧岡

白子行送真夫

白子白子胡爲來留爾匆匆不肯住華山小水十丈連
却恐群僊笑爾空歸去許西丈人揮彩毫長篇洒灑水

東注少年才子浚谷生須臾滿絳煙雲橫白子得之色
不驚雙脚踴倒北斗城笑提長劍舞不歇仰天惟見我
空月月下共予飲一斗驪歌嫋嫋晨風發白子白子
爾不住可奈何安得織女機頭紅玉梭織就雲錦五
丈送爾歸報松喬行

洛原爲白子賦

僊楫已浮南渡水故家猶問北邙山迢迢歲月遷移後
隱隱鄉閭夢寐間風氣不隨金谷散雲仍今見玉麟還
芳鄰近接程門迥數仞官墻尚可攀

草堂別貞夫

不盡登山興其如送爾情秋風臨路發征馬向人鳴白
髮偏多恨皇華自有程相思虛夢寐迷却鳳凰城

聞貞天將登華岳次韻一首寄上

好奇無奈洛原子躡屐去登西華山懸石獨沿鐵索
塞雲天指玉門關身浮萬壑煙霞上語落三峯紫翠間
欲喚謫僊沽一醉旗亭秋草雨斑斑

強情八首

郎富者黃金難將買妾心妾心似瑤瑟的的愛知音
郎本工一陵豪安是倡家子不食黃金多只願同心死
老鴛鴦鴛鴦不是同棲鳥就令交頸遊中懷轉懊惱

酌酒與郎飲臨風強笑憐花牕下鏡留共可人看
並蒂芙蓉梳合歡翡翠衾那知今夜夢遠送別追尋
牛女經年會會稀情轉濃朝朝覲郎面恰似不相逢
共郎花下坐吹笙弄明月明月照妾心妾心與郎別
郎心見妾憐妾心只自苦伴笑弄琵琶曲亂不成譜

三年

一出三年別千思萬苦情秋風吹妾夢夜夜鐫西城

牝鷄鳴

牝鷄鳴鳴向晨昂首鼓翼聲切雲遠送孤雁徒紛紜
棲于埭若罔聞君不見未央宮中野雞叫炎帝之雛幾

盡掃丈夫萬事由婦人空戴須眉在人表鶴鶴情事老
鶴悲聞聞嘆息英雄唯爾曹若有丈夫氣請爾細玩鶴
鳴詩

讀德涵聞予壽州歸之詩有感而作

昔年予罷郡道梗得歸遲爾復咸陽信心先郭杜馳行
藏嗟繫運慷慨爲吟詩連翼雲霄意讀餘雙涕垂

籬菊早放喜而有作

歲荒菊亦盡春至始栽移要省風霜色深蒙雨露培重
陽思爛熳八月放蓓蕾好爲歌金縷陶然醉玉杯

九日遇雨莫能對菊與愛松鶴齋弟及鍊師王

從石前堂小酌骨肉情洽且贈從石遂成四首

三年逢此日離菊有黃華風雨疑相妬園亭興轉賒喜
逢鸛鶴侶共坐鵲鴝沙好畫沽來酒青燈笑語譁
西園花無數前堂雨不休且陪吾弟飲青學楚人憂陸
海聲吟夜天風鶴背秋生涯惟爛醉身外盡浮漚
客從玄圃至坐有小蠻歌孤負黃花節其如白髮何還
重商調迥入夜雨聲多醉即南牕卧寧須借綠簑
昆季頭俱白蓬仙鬢獨青何年堪辟穀今夕已忘形湖
海多將覽煙霞幾醉醒向來瞻紫氣不用寫黃庭

秋興八首

雨餘忽見南山雪，夜迥深知北塞寒。
明月萬家砧杵急，畫樓何處酒盃寬。
牆根蟋蟀如人訴，江上芙蓉耐晚看。
坐嘆離騷悲宋玉，捷傳飛將斬樓蘭。

霜落長城萬草枯，三邊兵甲盡防胡。
千年戈國屯田計，萬里嫖姚出塞圖。
寂寞魚龍沉瀚海，哀鳴鴻鴈憶菰蒲。
閒情欲共伊人語，白露蒹葭水滿湖。

生年曾侍衮衣傍，環珮秋風出未央。
會揖夔龍真氣象，退吟班馬舊文章。
鼎湖自泣烏號後，林壑空看素髮長。
一憶恭陵心萬折，銀燈茅屋雨淋浪。

秋風昔伴逐臣回此日逢秋意轉哀
貝錦有言謠卷伯黃金無夢到燕臺
土階步日青藜杖草閣有化濁酒盃
垂老光陰吾願足補天自有出群才

壽州城枕八公山風雨深秋草樹斑
峽石中開青片片長淮東下碧漫漫
曾經惡客登臨處還夢猶吾指顧間
最是時苗遺愛遠至今祠屋在雲蒙

川原回合潯西庄門外南山對草堂
詞客坐吟青玉案秦姬歌勸碧瑤觴
高秋不斷風雲氣勝地今爲翰墨場
梧竹陰森餘舊蹟似聞鳴鳥在岐陽

潯西風采王沂國潯野源流呂聖功
時論同歸天竺

美人都似玉玲瓏
呂生老向秦淮水
康子長歌太白風
北闕雲深東閣迥
不勝衰髮嘆秋蓬

粹夫不是吟秋客
曉世真爲彩鳳毛
歸卧烟霞從爾好
往遊霄漢亦吾曹
蒼苔雪孤松秀澹
淡中流砥柱牢
無那朝廷訪幽側
却教巖穴老英豪

寄南里楊用甫二首

不見楊夫子
蹉跎近十年
幾回清夜夢
悵望紫霞仙
風雨城南里
桑麻渭北田
深秋行樂倦
長日坐高眠

爾陪康學士
共上浙西樓
弱柳青初綠
新蟬鳴未休
雲無浮龍
蛇隨彩筆
鸚鵡落金甌
相對掀髯坐
時聽白雲謳

九月十四日雪漫述二首

九月山城雪多年見亦稀始聞維霰集展轉六花飛泥
滓妙窺圓天寒及授衣誰知村落外猶有採樵歸
燕京當此月常見雪繽紛不意豐西暖俄生塞北雲菊
蕊寒不吐桑落笑微薰却愛梁園賦郢郢拔迥出群

雪下即融戲爲體物一首

鴻空飛作絮到地濕融沙未有高人卧難烹學士茶溜
噴疑驟雨籬爭不迷花庭樹風蕭瑟詩成已暮鴉

雪中有懷德裕曾許郭杜賞月以疾不至

孤負中秋月虛擢日暮如何天又雪無那我思君王

子丹成未潘生瘦幾分相看俱皓首猶自款離群

雪後探菊一首

老圃寒何慘東籬獨芳堅辭一日雪直傲九秋霜紅
醉仙桃色黃分月桂香興來還共賞不必是重陽

送王正之二首

止之曾國手眼見藥通神慣醉王孫酒長霑麗澤春
送秋入鄧菊放雨留人共對寒芳坐清談意轉親

吳父西林叟曾煩藥起予百年朋友意兩世往來書
冊固猶存杏王門舊夢冰平生飲令德表墓定何如

苦雨

夏郊不救嘉禾死秋院虛生破屋寒天地無情紅日閉
江湖欲醉白頭難眼前涇渭何當辨水底魚龍亦未安
到處濕泥沾蔓草幾時幽谷采芳蘭

雨夜懷白貞夫

貞夫騎馬入藍田要看王維舊輞川山水百年靈運癖
雲鳬萬里子喬僊便尋丹楫浮江漢擬到園亭弄雨煙
鴻鴈南征將過盡朔時應有尺書傳

瀛書來云良木孫常於夢中呼予而泣予聞之
痛心揮涕賦詩二首示瀛

六歲纔交孫在幼七旬將至我成翁燕秦地隔關河迢

骨肉情親寢寐通得爾報書憐暮景不禁老淚灑秋風
青梁莫遣從今恨詩禮須看異日功

大孫眼底小孫遙夢裏呼予涕淚饒花同根荻先識昂
孝於童稚已生苗讀書里舍何年是問寢重闌萬慮消
惟願二雛看鳳鳥莫隨燕雀在蓬蒿

瀛被臺檄行勞勵之以詩

京兆一年司賦地西臺此日勸賢書陽城心繫催科外
漢主功收考課餘松栢要看霜雪操草茅莫惜斧斤除
國恩累世期無負敢望高門駟馬車

渭讀小學有過時之歎詩以警惰

八歲入當攻小學三旬爾始讀遺編莫求天地尊卑
只在家庭孝弟間人植綱常方異數士能變化即成賢
考亭夫子長如在白晝青燈仔細研

數日不至園亭寄鶴一首

一與胎僊別塵居十日過樓知依竹憶聲憶人雲
里心應在三山路幾何洞蕭明月夜來看舞婆娑

雨後訪竹

雨過園林淨扶藜探此君推牕寒落翠遠徑濕團雲晚
歲盤先結清風我共分虛心應識主不在七賢群

林居雜咏學寒山子五首

山翁矮屋住幽僻，少塵埃。牕外瀟瀟竹門前，鬱鬱槐黃。
吹明月，下鵲唳白雲堆。未必蓬萊閣，神僊獨往來。

童子清晨起，風前掃落花。柴門無吠犬，高樹有啼鴉。山
翁方下榻，石鼎已烹茶。道逢長似此，不羨五侯家。

晝長槐樹下，散髮坐胡床。陣陣南風起，徐徐透體涼。編
籬圍舊菊，汲水灌新薑。野外瓜初熟，畦丁送我嘗。

自起踟躕舞，兒童笑我狂。但知閒處樂，不學富家忙。坐
石沾雲濕，食梨帶雨香。光陰容易老，樹杪又斜陽。

落魄寒山子，長笑何時歇。洞樓一片雲，門對十年雪。破
袖舞春風，澄潭弄秋月。吟詩幾百首，不礙任飛越。

慰菊

愛爾寒香好，慙慙種滿籬。豈知三伏旱，欲廢一年詩。草
閣聞蛩夜，金風落雨絲。青青生意轉，應不負花時。

九日對菊

佳節愁中過，寒香雨後開。不吟花我笑，共賞客誰來。濁
酒從斟酌，踈籬自剪裁。食英顏更好，白髮漫相催。

趙松庄壽辭

遶庄種松經幾秋，詰屈老幹蟠蒼蚪。中有主人蓬僊流，
芸窓萬卷親校讐。一朝跨鶴成遠遊，北上明光天際頭。
參幕兩地翊衛侯，折衝萬里資運籌。分符坐判西北州。

橋山花水聞歌詠鶴翅倦飛思且休
雲華向松林接
虛牖洞開千尺樓雙峨如黛空中浮
載水剪雲孰與侔
鳳巢仙子吾同儔年年尋樂何優游
坐看八麥霜黃稠
一陽忽報回遡陬江梅吐萼竹竿抽
松梢新月懸銀鉤
壽筵羅列麟鳳羞錦箴瑤瑟聲和柔
金紉四座嘉賓留
會須一飲五百甌從茲俯仰天悠悠
雪山笑指如培塿
大江變作桑田疇主人仍住松庄幽

與釋本遊

爾子紫閣山中住笑我虛稱山下人
白髮近來增感慨
青鞵何日上嶙峋日高霄漢浮仙掌
地擁煙霞護佛身

探奇不逐漁樵伴，惟爾長爲虎豹隣。

即事三首

驚落重陽後，寒花滿故叢。相看詩興減，不與去年同。
午睡南窗下，人靜柴扉掩。堦前黃葉堆，一任西風捲。
黃金任爾散，清貧我自樂。非是薄黃金，我命生來薄。

松庄圖二首

森森松萬株，飄飄雲千頃。八旬老子家，一幅蓬萊景。
曉汲龍溪水，暮煮沙碕茶。仙家風味好，就樹摘松花。

蟠桃園走筆爲王正之賦

海上蟠桃大，於斗一畚結。實三千歲笑，爾金門避世客。

煙霧萬里何由至當日公車曾上書齒如編貝八尺軀
從容得侍武皇側時時劇戲爲歡娛更有風流郭舍人
瀟灑同爲供奉臣殿中射覆訝藝數天顏一笑回陽春
文章辨博設客難義氣激烈斥華憲語言彷彿涉詆諧
辭旨婉曲多諷諫我披漢書常歎息裨官堊史誰記憶
爭言三度竊蟠桃王母青鸞那可得世人好奇仍信恠
徃徃求之經史外東方先生苦受誣形容千古丹青在
長安上驚西林叟何年得此良工手我摩老眼認形似
等閒爲爾開笑口年年珍重慈中堂桑落酒洗花正香
客來對此須盡醉莫負金罍碧玉觴

即景

寒雲蔽日晝宜其午坐無人共賞寺鐘外殘花猶弄色
階前雙鶴對梳翎

警火賦

園有芻蕘虛干回禱天耶人耶咎自我耶乃
爲賦以自警其辭曰

歲乙未之孟冬兮其日甲寅漏沉沉其二鼓兮夜間無
人彼塲圃之迢迢兮曠無四隣慨炎燄之奚從兮稻結
積而條焚維入監之明明兮逆斯凶而惠吉維回禱之
赫靈兮詎倒施而濫及信予德之罔修兮老而頽僻擊

天心之仁愛兮冀反正而改迹昔宋襄之三言兮榮感
退舍惴惴若劉昆兮亦返風而速化玄機叵測兮維貞
信乎堪馮中孚之格物兮又何患乎豚魚之頑冥曰子
承茲嘉惠兮心豁然而頓悟日兢兢以自飭兮敢因循
于遲暮彼衆口之淘淘兮云狡童之肆狂審予行之罔
缺兮彼亦奚憂于予殃木有根而必茁兮爰有萌芽王
刺摘于人人兮亦有其瑕予回思以省愆兮在踈正而
庇邪彼警言以悔過兮彼則是而予差昔尼父元聖兮
處于桓魋患如姬旦兮亦流言之宣厥矧予老且詩兮
羗自是以爲媒冀沉寐以恍寤兮遄濯汚而起顏亂曰

塵寰散冠自我致令維我有瑕類兮惆自又今庶以無
或墮兮

送茶馬劉侍御二首

王谷辭邊郡星輶入故鄉彩雲明畫錦白雪侑霞觴
北萱花茂天南婺影長蓬萊春萬頃從此壽無疆
鶴髮留春住龍顏入夢勞僊槎浮日影蒼草落霜毫
擬麒麟畫風生解角袍太平端有望歌咏老吾曹

雪夜一首與杏村子

春初人卧病小院逼黃昏乍聽風吹雨翻成雪打門青
綾曾內直白氍向誰論病起乘新霽僊真訪杏村

清歡

病起無兼味清歡亦可嘉
菜根煮香稻蓮子啜新茶
掃徑春生草掀簾雪有花
暮年惟靜坐休遣思如麻

自笑

自笑碧山子巖居歲月奔
病回春有睡老至夢多昏
雪落天機動詩成腹藁存
舊書猶未忘時或枕邊溫

吟詩

吟詩四十載學海足生涯
漢魏二三子唐人幾百家
撚髭空鍛鍊得意漫矜誇
不見少陵老情真語自佳

壽張翁二首

張仲風流遠名家孝友存一官省畏子八表抱曾孫
鵲形容瘦長松枝葉繁鳥天真氣象瀟灑住乾坤
老箇青衿子翁孫展我甥毛詩傳世業鄩曲擅才名
早捷科應易惟修德乃成從茲翁益壽坐待鳳雛鳴

荅禹夫春興之作次其韻

玉笋春醅綠金釵舞袖紅遠山凭雪檻佳景落詩筒
桂子雲霄上荆花雨露中衡門三十載不出是英雄

雨後次前韻

小園連夜雨芳杏幾枝紅要看花如錦還携酒滿筒
揮毫花鳥外拄杖畫圖中一笑滄浪叟風流魏甌雄

春寒

節屆春分近寒留花不開經旬看集霰萬竇待轟雷每
日雲長蔽河水虜未回孤臣頭白盡愁思若爲裁

睡起

納被南牕卧悠然煖自通隣鷄春覺曙蒼馬夜知風道
在千金賤心閒萬慮空飯餘無一事擊壤看兒童

春陰

冬盡苦無雪春來長作陰雨陽元有數消息自相尋因
悟淨生理清窺造物心悠悠誰共語閉戶理瑶琴

晴

春來寒氣三日不成霖紅入花枝淺青回來壘深行
雲晴忽散挾客景堪尋有約休相負青山花滿林

荅禹夫訪仙之作次其韻

秦女吹簫夜裴航搗藥年藍橋通弱水彩鳳跨祥烟人
去名留世天生骨作僊浪遊真可笑空掃石床眠

再次韻學寒山子二首

自入山中住悠悠不記年洞門猿嘯月松頂鶴巢煙
混俗元非俗修仙不是仙笑將竹掃帚掃去白雲眠

葉落知殘歲花開又一年水澆名利火風掃是非煙
漢帝求丹藥秦皇慕海仙不如食飽飯快活洞中眠

禹夫近作詩可喜因次韻以示

吟咏如今日風流異昔年
登壇追李杜落筆掃雲煙
春助花前興塵消物外仙
奚奴頻我送剛喜慰愁眠

得王子衡書

不見子衡三十載緘書今日自長安
廟堂倚重宜多壽風雅名高不折官
鷗水聊分三畝外鳳池只在五雲端
相思此夜聽春雨雅操終期共歲寒

寄謝李宗易

白髮交情自布衣非關出入在黃扉
痴兒生死勞思及老淚縱橫豈浪揮
萬里雲霓心轉切五更風雨夢難歸

有時倚杖看台斗無限清光近紫微

蒼島夫種竹之作次其韻

修篁種得已多年望裏蒼蒼半畝煙
藪杖獨穿春徑雨
葛衣常坐晚涼天
月移素女來鸞影
風落湘靈鼓瑟絃
日日平安頻有報
主人只在北窓眠

再次韻三首遣悶

林成今日憶當年興到青鞵踏紫煙
秋夜乍聞十二籬
寒雲低壓一重天
種分東衛歌淇澳
翠拂南薰入舜絃
俗態向來醫去盡
不須肉食繡衾眠

子猷乘興任年年
半入蒼雲半入煙
歲暮常分松頂雪

風光不逐杏花天，幾人杖屨同吟嘯。
何處亭臺有管絃，留待鳳巢春萬頃。
絕勝鶯喚柳三眠

老圃開從甲子年，移來秋雨帶秋煙。
纔看碧落新生月，頓覺紅塵別有天。
水傍琅玕清蘸玉，籟生枝葉細鳴絃。
山翁此日常爲主，一榻清風笑獨眠。

絕句二首與杏村兼示諸君子

野叟經旬眠草閣，故人無意到柴扉。
多情誰似穿廳月，依舊清光照敞帏。

少陵階下蓬蒿長，廷尉門前雀可羅。
聞道杏村松密處，不知相見定如何。

戲作二絕句

雨卧看晴晴復雨
杖藜欲出泥沒首
後園紅杏休爭放
一麗日清樽待我來

何日紅香闥曉霞
微風裊裊影斜斜
爾時却恐兒童笑
白髮老翁還看花

南山行寄熊子修

我病一月不出戶
雲夢先生遠相訪
感懃兩度入我室
我聞談笑覺清爽
興來挾客南山遊
陰翳經旬忽開朗
老天有意山雲喜
蒼翠排空待吟賞
草堂寺中叅古塔
紫閣峯前眺仙掌
陸海混茫萬餘里
瀑布飛來幾千丈

先生興狂渾欲飛醉拈彩筆掃翠微瑤草瓊葩盡收拾
奚囊更有得南山歸遺却兩枝在茅屋琅玕五色炫人目
世人不識雲夢仙燕雀紛紛逐鴻鵠吁嗟乎天風一朝
鴻鵠起燕雀紛紛亦徒耳

和杏村子遊草堂之作六首

春日來看雨後峯曉牕卧聽寺前鍾笑將紫閣頻凝眺
誤作峨眉翠掃空

佳客同遊此醉眠枕衾濕惹翠微煙曉來共覓仙人掌
愛殺蒼崖瀑布懸

冷冷鍾磬隔雲深裊裊松杉入暮陰蒼徑共追蟾影步

青溪不與世爭侵

碧井丹楹小點埃
鳩摩羅什講經臺
不知香簾同遊後
更何人到此來

巷將麗句袖中回
馱得南山馬上來
卧展華牋閒把玩
却于高枕看脩巍

何物紅塵破曉關
可人惟有省山遊
松篁蒲院先投寺
紫翠藍簾一倚樓
風外空楊來暮鳥
門前流水泛春鷗
曾中自着南山後
小却人間百萬紅

和熊子修詩南山之作三首

冉冉丹木春
汨汨水泉動
遙望雲夢仙
笑騎丹山鳳
直

上紫閣峯下瞰蒼龍洞迢迢萬里外炯炯雙眸送西指
崑崙在千古發一懽夜就草堂宿禪床破幽夢起來步
明月短竹風前弄

謝客盤雲磴探奇上石門日浮僊掌動巖合寺鐘昏約
父疑藏霧鷄帶覺有村廟堂方爾待未許避塵諍

驄馬來遊紫閣春身緋猶帶軟紅塵漫謔臨水看山興
元是謂羨補闕人衣袖俄霑花雨潤琅玕時弄竹風頻
同遠未許憐吾病佳句能留見爾真

和張舉子春遊之作三首

雨晴上說經臺

玄宮跨蒼崖，團樹松桂幽。人防北嶽僻，獨重遐思來。
氣沉函谷白，雲渺天際遙。日月皆道夜，天地開魏巍。
仲尼宮路岐，詎能至安得。沉澗漿醒却，迷人醉遵我仁。
義軌道反義黃世。

草堂寺

萬卉新看雨後芳，群峯遙對古禪堂。綠晴頗覺風雲變，
探景寧辭道路長。喜見諸天多勝槩，誰言佛日有餘光。
濁醪催客詩先就，紫閣招人興未忘。

上紫閣峯不至而返

谷口到山中，十里未爲寫。我昔十年前，頗聞山僧道山。

形類紫閣多因曉霞燒三閣互對峙紫紆有領要歲近
我思登山僧近相約老至筋力衰蹉跎竟未到茲者公
等遊也貽山靈笑何由陟絕頂凌空縱還眺

展獲康汝修書作詩二首寄謝

落落太行子循良鄆邑君十年離恨積幾度尺書聞琴
弄青州月樓棲碧海雲公餘詩萬首瓊萼吐奇
東海蓬萊閣南山春雨亭睽離多寡寐恍忽見儀形臺
迴鳥常集書傳鴈不停蒼生憑我報已勒去思銘

劉侍御清西齋圖歌

大野之野紫玉山山下滴水流潺湲主人卜築水西岸

宛如蓬島非塵寰。碧樹離離迷遠近。白雲悠悠時往還。
白雲碧樹園。草閣主人下。帷幙著作竹床幾。卷伏羲書。
清水一瓢顏氏樂。春風遙唱水邊漁。夜月常鳴竹裏鶴。
鶴鳴漁唱春復秋。主人忽起乘蒼蚪。壯遊笑佩雙龍劍。
大手堪修五鳳樓。五鳳樓前謁天子。禮樂縱橫雲滿綈。
看花醉向曲江遊。捧檄却爲慈親喜。鸞鳳終難棲枳棘。
騏驎何由困百里。驚見清霜落豸頭。早衍恩波通清水。
水西蒼蒼萬頃春。玉峯當戶青嶙峋。行人指點作傳巖。
風景依稀如有華。有華傳巖千古上。霖雨雲霓今注望。
簪筆峻嶮志不同。攬轡澄清氣何壯。皇華咨訪足風謠。

紫塞紆籌籍保障曾中有道迥不同眼底奇才誰與抗
致君堯舜固非難措身伊傳胡多讓伊傳勲名獨與齊
白首還歸清水西鶴筭迢迢滄海變鳳毛世世碧梧棲
畫圖留却他年看麟閣丹青異品題

雷

南山三月雷夜牕破幽窗曉起聞老農云是豐年兆
雷後雨雪人又以爲災也憂而賦此

昨夜聞雷後連朝雨雪繁隨風蕪電至叔麥動人言春
服寒仍換麟經老更翻史臣堪紀異誰達天衢

噴霜歎

去春仲月二十七雪後隕霜殺果實今年雪後仍隕霜
乃在暮春庚申日兩度俱是清明前頃覺和煦變凜凜
果實不熟人且憂來牟倘殺那可述憶昔戊子巳丑年
一村十室逃五室賣兒鬻女骨肉離哭聲徹天天罔恤
以後雨暘恒失調春禾秋稼收難悉閭閻口腹或不充
公家租稅何由出官卒打門鷄犬驚稱貸富人事方畢
富人氣勢猛于虎約僭未許一朝失吁嗟生理轉蕭索
愁苦如嬰桎與柱今茲來牟種頗盛恍忽場頭堆卒律
豈期雪後夜隕霜懽娛變作聲唧唧羨陂野叟發長歎
窮居愧乏回天術曉來閉戶強欲吟坐掃破硯拈秃筆

我願蒼天憫赤子早動和風散幽室

病起至後園得六絕句

入春踰兩月不至後園裏杖屨今日來鶯花見人喜
我病杏花放我來杏花落春風更有意天桃正吐萼
山童頑懶甚杏花落不掃花徑少人行兩月長芳草
獨坐柴扉掩馬嘶客屐止山童啓柴扉却是杏村子
山僧紫閣來饋我春筍芽留客嘗風味恰有江南茶
杏村遺新詩答我隕霜歎習習和風生却喜霜華散

答山僧饋筍

紫閣三春雷動後紺園十畝雪消時龍孫出土看猶短

綈子穿雲采不遲，長路携來青箬裹。
寒食珍重碧瑤枝，茶瓜爾笑已公味。
珠玉聊慙工部詩。

清明展墓作

暮齡六旬九，尊祖意彌勤。
令節值清明，從俗上丘墳。
翠栢結成蓋，春葩競吐分。
祠屋豫灑掃，執事樂趨奔。
永牲注清醑，俎豆羅繽紛。
兄弟聯子姓，列拜昭穆分。
伶工奏簫管，鉦鼓聲入雲。
諸靈儼如在，洋洋威格歆。
禮卒遂燕毛，神貺飽且醺。
情洽坐忘旋出門，落日曛。
斯禮久矣行，自我歸耕耘。
悠悠廿載餘，蒸嘗四序均。
匪直竭孝思，亦以篤懿親。
雲仍慎勿失，虔流浩無垠。

汚姪自勵不近音樂述二絕句以堅其志

映雪孫生常閉戶下帷童子不窺園顏瓢點漆幾吾好
野杏山桃任爾繁

亭落陽臺喚不醒何如牕下對遺經春風指日雲霄上
一派簫韶取次聽

愛松弟送白菜詩以荅之

早種春經雨多耘自荷鋤嘗新勞爾念分惠之吾厨清
白家風在豪華世味無明時肥遯客老圃草蕪蕪

再荅送菜

草閣方停筆筠籠復到門誰能知此味爾獨念同根深

藉栽培力難忘雨露恩
我園青畦中未久共盤飧

燕子巢屋作

重來欣見爾
春色滿芳郊
認主歸貧屋
棲身有舊巢
芹風遊水際
林雨掠花梢
日日踈簾捲
香泥補漸交

禽言七首

穿草鞋草鞋穿却好
任我閒遊任我潦
倒不求聽履上
星辰一朝喫跌禍不小

得過且過日日憂
愁想甚箇得過且過

着袴着袴宜用粗
粗布勸君莫嫌布粗惡
多少貧人無袴着

提葫蘆眼前萬事俱模糊只好提葫蘆

種穀種穀連年天旱穀不熟肚饑難靠親骨肉種穀種穀

不如歸去柳暗花街誤了青雲路不如歸去

行不得哥哥赤心苦口死勸它它今病已中妖魔勸它
做甚麼行不得哥哥

急雨

慙怪天河瀉翻成陸海深四郊禾萬頃三伏雨千金
穀樹猶濕風回彈一吟芳亭便坐久溽暑不相侵

童杖

衰齡魚病瘳，聊藉小童行。省經徐徐步園林，日日情生
談時放汝歸。去輒呼名，却憶當年共登山。人夜輕

寄三林毛先生

隱居此日陶，元亮相國當年輩。仲舒白髮喜耆顏，似王
紅塵不到水環廬。三春花鳥驚人句，滿紙煙雲寄我書。
爲報後生今亦老，閒來常釣漢陂魚。

寄毛伯穎

多病相如廢吟詩，太白豪溪流開戶。近山色捲簾，高風
月餘千首星。歲末二毛年年，翁壽且春酒。雲雲璆

送中丞黃伯鄰六首

佳人出東海盈盈白玉姿佩懸明月璫手持瓊瑤枝殷
勤緘素書寄代南山陲臨風讀素書云當遠別離別雖
未足惜所貴心相知

相知亦何深孰云未識面事緣有神交風雨生感慕西
隣東隣子追遊靡昏旦兩心苟未諧何殊水與炭豈知
壯士懷曠世有緒戀

纏戀意彌長中懷難具陳平生數萬言荒蕪未足論佳
人癖愛茲擬之希世珍枯桐縮朱絲山高水難離曲終
闌噫嘆彷彿千秋雲悠悠太古心感激良有因

有因發天籟無因覩芳顏松峯老鶴心長繞丹穴間黃

金華不貴壯士重肺肝灼灼上林花誰采幽谷蘭幽蘭
有貞性不隨秋草殘佳人愛芳馨佩之凌歲寒

歲寒霜雪深萬木凍且僵徂徠千尺松容色何蒼蒼東
園桃李華春日豈不芳未識秋風顏那云棟與梁君子
慎晚節竹帛有餘光

餘光被草萊雅志扶皇闕致身葵龍間憐慨賦式微海
濱蓬萊樓瞻望何崔嵬三島連十洲遨遊步如飛頗覺
歲月長朱顏耿不移何時寄我書慰我長相思

秋鶯

蕭瑟西風外流鶯忽好音寒鴻來亦近社燕道難尋求

友非前夢辭真識爾心明春端可待出谷上喬林

屢獲太微子書感而有作

嶽嶽太微子猶能憶故人見亡常我慰德過許誰鄰蒼
松容不改白首淚何頻未浪嗟往事感教見情真

送郡守夏道亨解官歸四首

拂袖長歌公去早急流勇退古爲難誰憐碧海屠龍手
興落蒼松野鶴灘北闕夢魂天廣大東山歌舞日平安
曾中萬丈虹霓影不比尋常老葉官

紫綬金章淮海客青春歸去意何如羞看傀儡棚頭戲
謾卷羲皇架上書古人萬物皆歸土淨後一聲長嘯月明餘

等閒勿作煙霞病，會有蒲輪至草廬。

君侯車馬已南馳，野叟山中尚未知。
爲愛雪晴看華嶽，却因風便寄瑤芝。
恨來不識荊州面，老去慙無李白詩。
渭北江東成間隔，暮雲春樹結相思。

黑頭人去尋鷗侶，丹穴春深產鳳雛。
三載星霜勞撫字，萬家雨露足霑濡。
天心寧負循良績，陰德真爲遠大圖。
盡閣喜聞湯餞宴，佳音早寄碧山隅。

送中丞于寧中四首

東山端爲蒼生起，華嶽爭看紫氣高。
龍渥自天春又轉，攀留無地意徒勞。
海雲拂曙迎僊旆，花雨催詩濕繡袍。

墨句謾誇追謝莊嘉謨懸望匹臯陶

道上誰歌借寇憐倚天長劔斗星寒自憐白髮雕蟲叟
不識皇華老父冠昨日臨風傳錦字幾時補袞入金鑾
商郊霖雨尋常事四海蒼生注目看

地遠相違南北海天涯不及馬牛風心知未許關山隔
神合真疑夢寐通問俗豈能同道路朝陽彩鳳上梧桐
逢人若訪無綸者七十滄浪一病翁

王斧纔臨半載過河山百二起謳歌豺狼膏跡風雲急
禾黍春回雨露多命駕欲臨頻咫尺扶藜可奈影波婆
鵬程自合搏霄漢鴈帛能無寄薛蘿

七旬

一卧滄浪晚蹉跎
罷策勛登天無復夢弄筆且能文
舞鶴看人喜流鶯隔樹聞
七旬雖善飯不學趙將軍

東康五

冬組春已辛不得許
西書老恨追趨懶
相思夢寐餘杏花開正好
桑落與何如七十今年是
應勞長者車

王叟歎

故媼十日肉未寒
新媼入門笑
隨黃金耳鐲羅衣裳
昨誰爲主今誰看
王叟六十六夜夜呼燈醉醺醺
眼底只見新人好
耳畔猶聞鬼女哭
爾不見睢鳩小鳥

亦有情爾老何心化塵塵吾今作歌數爾情太薄有問者誰吾之族

湓園移菊

小阮籬邊色色奇暮春來向雨中移我同元亮眺秋興爾作吳剛斫桂枝

送唐子薦六首

昔聞涇野子今喜見池南祠屋生前立旄倪去後參稽良應有傳竹帛爾能堪尚憶風謠遠秋空月在湓驄馬三秦道豺狼萬里空皇華車帶雨麗藻生風華嶽凌仙掌虞階識舜瞳不知今海內似此幾懷人

誰能

乾坤回正氣日月餘光

褒功堪疑觀風事異常將嘉靖業扶植到虞唐

山水滇南秀鍾爲間世豪看唐律盛書壓晉人高星

斗垂精采江河落巨濤龍門今識而剛喜慰

三世科名舊千年慶澤深絃歌花縣日綱紀栢壺陰鼎

情調美手天知報國心斐龍芳躅迥霄漢許追尋

紫閣風前夢浮生七十年閉門花自發多病日高眠車

過草茅巷春回風雪天謙光無以報感激浚郊篇

李宗易次前寄詩韻見答因再寄一首

風雨山城及授衣忽傳尺素到柴扉遠函真覺從天墜

佳句還應信筆揮
霄漢愛龍公
接武山林麋鹿我同歸
白頭亦有閒中趣
日日終南坐翠微

除夕

浮世七旬明日過
盡堂春酒此霄同
乾坤自許丹心在
形影相看白髮翁
輾轉三陽扶道泰
謳歌四海願年豐
等閒莫笑狂夫老
猶有遺編討論功

元日

元日祥飈起
徐徐散積陰
江湖扶杖叟
霄漢倚樓心
歸計煙霞僻
遠朝歲月深
簫韶猶夢寐
一派鳳凰音

大千上人過訪因贈

五十圭峯住迢迢百歲侵徒僧省亦老栢子種成林日
食黃精飯常持白業心虛名我何有勞爾下雲岑

和杏村喜雨二首

睡覺聞春雨隣鷄第幾聲蒼風吹不斷燈影滅還明碧
訝琴絲潤青知麥浪平杜陵詩句好喜共古今情
老來農圃事我願學樊遲雨落呼田叟莎長問牧兒蒼
雲搔白首出郭杖青藜萬姓多憔悴何人是國醫

即事

日高方盥櫛美景得幽棲喜戴我巾好難收短髮齊園
亭新雨霽樽酒可人携春樹微風外雙鳩自在啼

分菊四絕句

好藥牡丹春色濃，爭如老圃看秋容。
暮春雨過東籬下，舊葉分來碧葉重。

誰羨騷人九畹蘭，儂家老菊亦多般。
故分舊品開畦種，要采寒香帶露餐。

菊根經歲老成枯，及早分栽翠色敷。
堪笑吾人多變化，却干心地久荒蕪。

小園半畝雨晴時，日日呼童看插籬。
丹杏碧桃天上種，元于此地不相宜。

睡起

夢破芳亭午花陰響轆轤
几看書恍忽惺忪竹模糊
春真潛推謝炎涼半有無
向來分種耐得水綠盈株

靜坐

老來甚靜坐多慮恐傷神
詩不推敲就情惟淡泊真
香堦花影覆芳樹鳥聲頻
興到歌還舞渾忘雪滿巾

志喜

眠深驚扣閣夜半報添孫
譜序名從木家傳善始無
棄天元有意白叟敢忘恩
晨起瞻晴旭南山翠到門

杏村六前韻相賀因再次韻一首

老佳林泉日猶能見此孫
好除荆棘路培養桂樹根
塵

仰乾坤潤生成雨露恩永年吾願足不敢望高

舅氏池亭宴集四首

嘉辰逢首夏清宴集西村亭入青峯色池侵老樹
陽情不薄伐木事堪論環坐惟同氣山翁勸一樽
兒曹三爵後把釣上漁磯池影涵清碧釣鱗出細
盆猶潑刺沫水自依稀一笑吾親放無勞問是非
移時鉦鼓發簫管亦悠揚樹鳥驚皆散淵魚落日
留仍進酒客醉苦辭觴不盡殷勤意林霏漸夕陽
日暮席仍移疏畦露坐宜彈窺黃鳥影歌憐山
舊香芹薦青憐細果垂風流鬼山簡也醉青家池

咏李太夫二十六韻

洪洞神僊寓汾行秀氣鍾德門占瑞鳳勝地產人龍問
學同韓愈才華邁李邕並歌徽有宴獨寒杏園蹤佐郡
臨洮曲分符督歲供華蘭車久駐邊粟原多容遠戍征
行急長河濟渡凶岸頭排纜木水面集艤牕誰擬乘槎
客行歌負耜農有時司郡篆甘澤編提封召伯棠存茂
幾皇道决壅群黎頌德多士藉登庸解綬頭猶黑看
山興正濃兩河瀧巨盜四郭懾先政奮激公紆策權呼
衆築墉黃巾回劍戟赤子樂擒春形瘁俄捐館人哀共
拊膺金城遺愛遠祠屋小民恭伏臘羅蘋藻登歌鑒最

鍾宮碑光照日太史筆如鋒宇宙名難朽
誰書傳可宗
令孫當世彥嘉會百年逢
歲歲霜前夢
蒼松綠
狼驚使節湖海仰高峯
青史期千古丹心竭九重
公益懋
避躅許誰從

忘情

吾已忘情久何由爾更喧此心如日皎
利口向誰言
泉石甘吾老雲霄任爾寒
松風聊洗耳含笑坐西園

聞蝸

戊戌六月六日晴槐風
急
蝸始鳴
乾坤清散我空老
時序推遷寧有情
久貪樹底晚涼坐忽見天邊新月生

憑誰一喚羨門子翩翩來此吹玉笙

睡起

漏刻遲遲晝有餘老來無事可消除
幾回睡起閒亭上
也看涇川兩葉書

謂仲木宋四子抄經也

雨後苦熱

震雷急雨須臾過竹樹斜陽萬雀喧
轉覺溽蒸侵白紵
更無涼吹灑黃昏
科頭枕石自多病束帶立朝何可言
安得南山松澗底
寒水細嚼鮮吾煩

王懋德饋茶謝荅一首

濟南相送碧山茶
封匣筠籠印不斜
秋日乍開香帶雨

寒泉自煮浪生花一瓢村醜從吾好七椀清飈護爾詩
不爲使君懷舊友茅春能到野人家

林居擬姚合六首

爲愛林居靜朝朝入小園坐呼童喂鹿卧怕客敲門殘
暑蠅偏惡斜陽雀亂喧忘收書在几簷底任風翻
洞屋形如舫舫題作舫齋開牕都是竹彷彿泛湘江卧
聽尤宜雨深棲不受霾也知在平地風浪漫縈懷

午過眠方起痴孫放學回展書仍問字供茗自擎杯鶴
放隨雲去秋成望雨來南山消息近隱隱動輕雷

從辭東閣賦草避北山文閉戶翻黃卷開園卧白雲跣

此年易邁感激道難開
羽翮今如此焉能擊紫氛
洞屋見新構前楹亦創修
經營因避暑滿堂忽逢秋
常愛雲園戶渾忘雪滿頭
吾心自知足甯疾喜云瘳
老至難酬主身安不怨貧
都來三畝宅剩有十分春
底豆分畦種林花應節新
太平誰笑我蕭散作閒人

忽忽

忽忽七旬過流光似擲梭
老添詩漸減愁少睡還多
章經常徒步風亭或放歌
南山青不改日日對蒼我

雨中偶成口號四首示小孫山木

六十年前遊戲處西灣風景種
底餘老來翻變見章華

欲向灣頭坐釣魚

秋來風雨掩衙門強欲看書茶字昏却恨當年雙眼老

不將黃卷日重溫

掃元祠呈奉蒸嘗不接音容祇自傷怎得光陰如少小

家庭朝暮傍爺孃

驚馬當時誤入驂幾回鞭打脫羈銜而今莫說無人用

縱解馳驅老不堪

浮世

輕薄看浮世疎慵恰出頭軒車雖舊侶舊人不輕接暑

退見無恙秋來酒旋勸三盃渾醉却此外更何求

八月

八月農方急連朝雨乍晴來牟催播種蔬畧漸收成寒
鴈來霜候寒砧搗月明築場將刈稻春酒正含情

糴米謠

麥未穫糴舊麥穀穗鬱鬱出糴早穀米南畝何曾
耘耔田少口多困見底吁嗟乎有錢糴米爾莫歎新
登場亦不遠不見當年少陵叟短褐長錢米何有

興平役

行邊使走興平陸縣少供億恐不足數月以前下郡牒
條令鄠縣爲督餉百疋乘馬九肩輿車輓芻豆官督夫

線綾白紵桑落醕江南珍果秦城需賈宜往往出假貨
鞭朴日日聞號呼朝夕經營猶未就郡牒重催急于閭
秋雨連旬渭水漲競渡蹕泥誰敢後爭看一朝使車至
先經十日旅邸候芻豆狼藉復輓回肩輿棄擲空塵埃
閭老逢迎未必懼村氓微取徒爲災吁嗟郡牒何爲者
可能量物裁多寡問巷呻吟那得知公堂燕笑持杯斝

九日

九日南山下晴天亦可嘉登高扶杖懶看菊
酒醺醺爛熳花豪華非暮景澹泊是生涯

中麓篇

胡山在章丘南山有三趾予友李伯華結廬
當其中因自稱中麓山人云自其賦予曰宜
有述也爲之賦中麓之篇

胡山萬仞青浮空灝氣潛興代出嶽通何年神斧開鴻濛
延亘隱隱拖長虹東入海斗勢益雄探頭俯瞰馮夷宮
山下才子謫僊同幾回躡屐攀穹窿枕石夜卧煙露叢
遠鷄齊唱流天風扶桑乍見海日紅畫圖奇絕天爲工
瀕更懸淡浮雲蒙遲遲玉漏方報終萬家曙色侵簾櫳
山橫三趾中特隆山人卜築當其中孰云秘攝非倉容
憶昔降神擬高崧篤生俊傑山之東海嶽詰屈盤丹衷

少小作賦排終章黃卷一日過即融詞源滾滾那能窮
弱冠騰達脫蒿蓬蒼蚪獨駕參重瞳要補袞闕裨天聰
十載天曹輸盡忠帝心簡在階沚崇朝夕翼翼何謙冲
推轂指日列上公一時燮理造化功坐令四海歌年豐
閒來笑撫嶧陽桐游心學海因且洪筆端萬象歸牢籠
先秦直上追鐫鄴四京拍挾龍門翁自成藝苑超塵埃
藏之山麓石室充後賢景仰名繼鴻胡山世世看蒼松

孤兒吟

十四孤兒行且泣道逢丈人問端的兒言郭杜王氏子
阿祖曾爲州中秩前年隨父入川東萬里辛勤訪姻戚

姻戚劉子巴縣簿佐金有素不償直一朝罷官共舟歸
兒父語言恣成疾巫峽迢迢下荆門途次懷惻疾轉劇
劉子夫婦毒於虎公然棄父潛江側氣息奄奄兒在傍
身無完衣腹無食桂林夫子任阿翁司教潛江名赫奕
逆旅主人走告之任翁聞之心怛惻急以藥物療瘵結
亦有饘粥供朝夕吁嗟兒父竟不起寒風刮地天昏黑
任翁親爲作棺殮瘞之崇丘樹墓石秦楚相望幾千里
道長兒弱歸不得任翁提攜入官廨撫養惟恐或墜失
命兒爲書揚手模持之京師轉鄉國遂有叔父來逆兒
未久母子得相卽吁嗟乎任翁于兒如覆載俯仰何由

報恩德願翁子孫多且賢崇陞百轉壽千億丈人聆兒
言倚杖三歎息世人骨肉皆爲骨爲骨往往坐視溝中瘠桂
林夫子乃如此高風直與古人匹我今爲賦孤兒吟弱質
取芳名光簡策

鐵牌道人歌

我聞鐵牌子深藏不可見長蘊洞前雲霧橫太平宮隔
草樹亂遷世已出紅塵外結茅直傍蒼崖畔却有農夫
爲種田時汲山泉自煮飯有目不識字半行勵志常懸
鐵一片鳳池秋早梧葉凋虎溪春暮桃花之幽樓條鈴
四十年丹心那肯尋常換鵲來訪我春雨亭通名始知

冰霜面七旬悠悠鬢猶黑
修腰飄飄步何健暫爾欵坐
語亦奇翺然別去意乃繼
肯聞南山多異人今見此老
真鐵漢安得拄杖入煙霞
同覓仙人爲我伴

題小畫四首

小盆沾濕初經雨
翠色交加迫絕塵
靈運池塘空有夢
濂溪亭榭不勝春

幽篁蒼翠依奇石
壘壘脩脩共歲寒
奇石年年供賞玩
幽篁日日報平安

風前裊裊虎鬚長
雨後翩翩燕嘴香
珍重王孫相對好
免教離思怨斜陽

移來幽谷色青青日日相看比德馨桃李亭臺綠管急
任他人醉我惟醒

壽王鳳巢

梧桐文采朝陽紅丹穴雲巢飲翼時鵬出醴泉春萬頃
佩搖風籟竹千枝徘徊自對青鸞語來往常教老鶴隨
近得天邊王母信年年相約到瑤池

杏村卜築次韻二首

書棟倚雲開甲第尺書得鴈報長安清瀟遠近郡春浮亭
老蚌成珠夜吐丹冠蓋忽時來萬里岷峨衣猶帶曉霞
白頭始遂歸田志俯仰乾坤塊塊寬

壯夫處世豈無家宦海乘桴未有涯新築僊宮丹荔好
故山回首白雲遮廟堂正爾需才慘雨霖今者沐寵嘉
霞艷早裁西蜀錦春風先到上林花

次韻與王學諭四首

鄙客逢君頓覺無濁醪恨不飲千壺香飄紅雨風回樹
影落青天月在湖散館翻勞君作主閒居真愧我非夫
醉來直到忘形地爾汝樽前信口呼

芳亭自掃一塵無怎似清冰湛碧壺寶劍有光衝北斗
綸竿終日釣平湖白駒空谷思嘉客黃犬東門笑獵夫
却喜青山春雨歇桑顛布穀向人呼

諸君清範眼前無良冶何曾出甯壺巨鯉春深掀禹浪
長蛟雷動起雲湖文章星斗今魁選人物羔羊古大夫
指日相逢霄漢上門牆還許姓名呼

金臺玉署夢俱無田父村醪酌幾壺愛客高情慙北海
詠梅佳句憶西湖百年身世雙衰鬢萬里雲山一懶夫
惟願太平多氣象問閭擊壤盡歌呼

牙史古崖魏公手書錦堂德祚三冊以賜舉子張
孝先詩以爲賀因次韻五首

華扁喜看懸處好春光頓覺坐來生誰言子夏能修德
謾道詞林舊有聲壽擬松喬今日意祚延瓜瓞暮年情

稽臺梁翰星郎贈詩古流傳識姓名

陰德遠從先世積寸心寧敢老來虧使車過我留華翰
傾蓋逢人即故知元日正懸墨王勝春風不負碧瑤厄
堂前蘭桂應繁茂已見禎祥啓兆時

邑侯百里宣風教豸史三冬駐節旌綵懸衡門咸我愛
崢嶸盛世總人豪書工顏柳才尤妙政接龔黃意獨勞
遐祚可占貽後嗣高情端不忘公曹

堂上誰教懸瑞扁直喜非自天來善根悠遠多年種
德祚延綿此日開但得雲仍傳世業敢言五桂與三槐
老夫感激情無限笑對南山詠有臺

喜逢公等登堂日恰近吾孫受室時
熊羆夢協古人辭錦堂德祚書先報
寶樹春榮果正垂老去光陰更何望
無窮真樂在于茲

哭粹夫

往年庚子冬哭德涵壬寅秋哭仲木
乃癸卯冬粹夫計至會予病新愈不
能哭流涕而已于是述楚些以泄哀
云

崧高降神生鉅公些壁立萬仞驅長
虹些尚有伊傅楚夔龍些下視群儉
如蟻蠅些三滄浪一卧天地占些正
氣上與霄漢通些我懸知己哀切哀
些仰頭欲問天些夢夢

些瀾彌老淚流滿胃些大塊爲我生悲風些

憫雨篇爲太守六泉吳公賦

吳公憫雨身如灼辨香額天赤心托精神尙與真宰遊
且夕下救蒼生渴天丁鞭撻老龍起黑雲瀾空雷雨作
一雨三日民乃足千門萬戶喜雀躍累歲覃恩仰慈母
一朝憫雨動秦郭我公退食開口笑先民之憂後民樂
生對南山興瀟灑自拂古桐理絃索嗚呼天人交感有
如此元氣亦在人斟酌我公自有回天力到處陽春信
有脚君不見循良自古入相多徵書咫尺來玉坡蒼生
漫爾舞且歌留公不住當奈何好取北山一片石勒之

萬代光鑒哉

曝背

曝背茅簷下
游心藥裏餘
問醫除老病
昏目棄殘書
孫愛食留客
僮歡而得魚
年豐時更泰
蕭灑在林居

海居賦

東厓先生翁公居在南海之濱乃自撫臺介以
皖山吳子之詩命予賦之予西夷僭人也未
嘗海遊而知公之爲真海也乃括而爲之賦
云其辭曰

荷與巨哉海兮環四域以爲界維南溟之特勝兮肇鴻

濠南衍派近翁氏之上翁兮爰卜居于海濱德源源以
世好兮善根植而殷殷灝靈蘊結兮吾不知其幾千萬
事高居以孕秀兮埽崧嶽之降神直

皇明之景運兮哲人乃生挺傑姿之曼異兮貯渤澥于
冊肩顧學海之茫茫兮誕有岸而先登詞源滾滾以濡
毫兮怕一瀉而千里錯海珍以雜出兮僉目駭而神靡
跨赤虬以騰征兮叫閭閻而謁

帝帝命以作股肱兮俾宣力以經世憫下民之昏墊兮
鼓萬艘以湔滌交南之弗庭兮伊孽孽之爲厲

帝命相以將征兮相簡公以參謀森幕府之遠穆兮獨

淵淵以運籌兮，變于指顧兮。鈐六師以張皇進剿，敢
以我抗兮。退無穴之可容，堅凜以魄補兮。函面縛而
請降，數惴款以捷奏兮。

帝嘉錫以報章，爵華暨以都統兮。因悠遠以安黎，磨寫
碑以載績兮。光什倍乎淮西，維三秦之巨藩兮。控三邊
以制虜。

帝命公以擢填兮，藉文武之吉甫。動威令以轟霆兮，澤
隨車以沛澍。曾星霜之未周兮，羌外靖而內熙。維我公
之斷斷兮，曰宰衡之攸宜。

帝咫尺而有召兮，集靈龜于鳳池。量汪洋其無際兮，陋

下頃之憲彼處處下以來善兮匯百川而納之翊

皇祚于億萬兮勳勳名乎昇舉憶海居之我招兮方童
顏而白頭訪五季之僊跡兮覩一髮于羅浮報海籌之
重添兮摩銅狄以候清風曰海晏安兮公衍衍兮旦復
旦兮海可塵兮公名其分兮其無垠兮

五言排律三十四韻贈大叅陳子才

昭代開昌運名門擅帝鄉善脩深更遠慶衍浩無疆北
斗尚書烈中朝太僕良謝增培寶樹丹穴產鸞鳳早受
趨庭訓期增奕葉光陰恩重雨露胄監琢圭璋苦吟三
牕力爭攀桂窟芳鵬搏漢雅志驥足試庫莊道宦留都

美書卿師府強濟
嚴君遂顯揚分符
魏闕以爲入鄖陽
大展平生學潛
消萬姓殃崇墻
劔戟作雨
晨桑白晝
絃歌滿青林
虎豹藏福星懸
筵旬刻徹
光自臨海司
邦計燕山落
錦裘
勢花金燦爛
德佩玉丁
當咫尺天
居迥瞻依
夜夢
常笑
恭泥不染
蘭草兮生
香坐聽鶯
遷木欣看
燕賀梁
清風辭北剡
卿月轉西涼
玄鴻崆峒
近神駒渥
水長衛
風驟牝盛
魯頌馬斯
城經濟需
才俊旬宣
陟省堂
沂流
環浩蕩
吳獄對青
艾君有胸
陽春遍隨
車澍澤
滂馳驅過
郭杜詢訪
舊門牆
納拜
吾寧敢謙
虛德益彰
持
悰頻慰

藉舉酌暫徜徉廊廟方登用田園豈慮荒詩書元不負
簪組世相望海岱恩何庠涓埃報莫忘迢迢霄漢上萬
里任翱翔

二曲子歌贈神天表

英英二曲子夙秉河山秀弱齡侍父令西蜀錦江峨眉
爛如繡乘暇時時躡屐遊新詩筆底可立就壯歲跨馬
入燕京黃金臺遠矣馳驅翹首蓬萊五色雲願祝

皇圖萬年壽尋渡長江縱遊眺東南勝槩無遺漏春風
折得廣陵花猶有餘香滿衣袖囊中一片嶧陽桐悠悠
古調蓬仙授草堂惟有老鶴聞松關未許俗人和王孫

貴客苦願學折柬邀之掃門候清風徐來月在天高山
流水始一奏賢郎書遍王右軍阿孫志接科名究只今
甲子七十二雙鬢無絲面無數如君自是松喬流今人
誰繼鍾期後擊筑吹竽醉不醒說著陽春笑破口吁嗟
乎二曲子不知爾音知爾心却有八旬淺腹更

二華子歌

予爲二曲子歌美天章以書來曰公得無意
乎遂有此作

太華峯有十丈蓮少華峯有千尺泉希夷一枕喚不起
蒼帝鳥春依然長安種子王門客自稱二華雲中仙

有時笑携謝朓驚人句
步峯頭問蒼浪天有時走
覓玉女洗頭盆九節杖子
挂到日月邊平生酷好李
太白恨不相見斗酒詩百
篇醉來怪問仙人掌胡不
一解蒼生之倒懸短歌長
律囊裏輒滿大篆小楷石
可鐫詩書供奉碧殿迴廊
深常遮蒼苔蒼顏種子種
子別爾忽忽五六年老夫
乃今為爾一校頭揮灑三
華萬頃之雲烟琪葩瑤草
世難賣不遇金莖仙子勿
浪傳

梅塘為相城盛翁賦

一泓清淺兔河濱疎影橫斜幾度春
開閣興於何遜異巡簷詩較少陵親
蹇馱時跨同心客野鶴長隨不

老身若作和羹湏大手霜臺豸角望嶙峋